



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

18 MEI 2021 (SELASA)



KERATAN AKHBAR DAN MEDIA ONLINE (KPDNHEP)

18 MEI 2021 (SELASA)

Upah RM20 sekali seludup barang subsidi

Tumpat: Menerima upah RM20 untuk setiap penghantaran, seorang lelaki sanggup mengambil risiko dengan menjadi penyeludup barang kawalan ke negara jiran.

Bagaimanapun, lelaki berusia 20-an itu ditahan sepasukan pegawai dan anggota Kementerian Perdagangan Dalam Negeri dan Hal Ehwal Pengguna (KPDNHEP) di Kampung Simpangan, di sini, petang kelmarin, ketika cubaan membawa barang seludup yang dianggarkan bernilai RM1,804 ke pangkalan haram.

Ketua Pegawai Penguat Kuasa Negeri KPDNHEP Kelantan, Azanizam Affendi Juri, berkata dalam Op Benteng COVID yang diadakan bersama Batalion 8 Pasukan Gerakan Am (PGA) pada jam 4.30 petang itu, pihak berkuasa ternampak sebuah kereta Perodua Viva dipandu suspek.

Beliau berkata, ketika menjalankan rondaan, sepasukan anggota ternampak kenderaan dari arah Kampung Jubakar ke Kampung Simpangan itu dipandu dalam keadaan mencurigakan.

"Pemandu memberhentikan

keretanya sebaik menyedari dia diekori dan cuba melarikan diri, namun berjaya ditahan.

"Pemeriksaan di dalam kenderaan itu mendapati ia sarat dengan minyak masak dan tepung gandum, masing-masing 50 kotak serta 10 bungkusan mengandungi gula pasir kasar.

"Semua 340 kilogram (kg) minyak masak bersubsidi paket 1kg, 200kg tepung gandum dan 240kg gula pasir kasar yang dirampas dianggarkan bernilai RM1,804," katanya menerusi kenyataan, semalam.

Suspek ditahan bagi tujuan siasatan mengikut Akta Kawalan Bekalan 1961 dan siasatan serta tindakan selanjutnya akan dijalankan oleh KPDNHEP Negeri Kelantan.

Azanizam Affendi berkata, suspek mengaku mengambil upah RM20 bagi setiap penghantaran dari lokasi ditetapkan oleh individu yang tidak dikenali.

Katanya, barang kawalan bersubsidi itu dipercayai untuk diseludup ke Thailand dengan menyeberangi Sungai Golok melalui pangkalan haram sepanjang sempadan.

Lelaki dicekup bawa barang kawalan ke negara jiran

Upah RM20 seludup minyak masak, gula

Oleh ROSLIZA MOHAMED

TUMPAT – Hanya kerana mahu kan upah sebanyak RM20 untuk setiap penghantaran, seorang lelaki sanggup bersubahat dengan sindiket penyeludupan untuk membawa keluar pelbagai barang kawalan ke negara jiran di Kampung Simpangan di sini kelmarin.

Dalam operasi pada pukul 4.30 petang itu, suspek yang berusia 20-an ditahan sepasukan pegawai dan anggota Kementerian Perdagangan Dalam Negeri dan Hal Ehwal Pengguna (KPDN-HEP) Kelantan hasil Ops Benteng Covid-19 bersama Pasukan Gerakan Am (PGA) Batalion 8.

Ketua Pegawai Penguat Kuasa KPDNHEP negeri, Azanizam Afendi Juri berkata, penahanan

suspek turut membawa kepada 780 kilogram (kg) barangan kawalan termasuk gandum, gula dan minyak masak di dalam sebuah sebuah kereta.

Katanya, penahanan suspek dibuat selepas anggotanya yang sedang melakukan rondaan melihat sebuah kereta jenis Perodua Viva dipandu dalam keadaan mencurigakan dari arah Kampung Jubakar ke Kampung Simpangan.

Jelas beliau, suspek telah memberhentikan kereta selepas menyedari diekori dan cuba untuk melarikan diri sebelum dia berjaya ditahan.

"Pemeriksaan di dalam kereta membawa kepada penemuan sebanyak 50 kotak minyak masak dan tepung gandum serta 10 bungkusan mengandungi gula

pasir kasar.

"Siasatan mendapati, semua minyak masak paket seberat 340kg, tepung gandum (200kg) dan gula pasir kasar (240kg) yang dirampas itu dianggarkan bernilai RM1,804," katanya dalam satu kenyataan di sini semalam.

Menurut Azanizam, hasil soal siasat mendapati, suspek telah menerima upah sebanyak RM20 bagi setiap penghantaran dari lokasi yang ditetapkan oleh individu tidak dikenali.

Katanya, semua barang kawalan bersubsidi itu dipercayai untuk diseludup ke negara jiran dengan menyeberangi Sungai Golok melalui pangkalan haram.

Tambahnya, kes disiasat mengikut Akta Kawalan Bekalan 1961.



SEBAHAGIAN barang kawalan termasuk minyak masak dan gula yang dirampas susulan penahanan seorang lelaki di Kampung Simpangan, Tumpat kelmarin.



ANGGOTA penguat kuasa memeriksa kereta dipandu suspek dan menemui minyak masak dan tepung gandum masing-masing 50 kotak serta 10 bungkusan gula pasir kasar dianggarkan bernilai RM1,804 di Kampung Simpangan, Tumpat.

Ditahan cuba seludup barang kawalan

Tumpat: Hanya RM20. Itu upah diterima seorang lelaki bagi setiap penghantaran barang kawalan untuk diseludup ke negara jiran.

Lelaki berusia 20-an itu mendedahkan perkara berkenaan selepas ditahan sepasukan pegawai dan anggota Kementerian Perdagangan Dalam Negeri dan Hal Ehwal Pengguna (KPDNHEP) di Kampung Simpangan di sini, petang kelmarin ketika cuba membawa barang seludup bernilai RM1,804 ke pangkalan haram.

Ketua Pegawai Penguat Kuasa Negeri KPDNHEP Kelantan, Azanizam Affendi Juri berkata, dalam Op Benteng Covid-19 yang diadakan bersama Batalion 8 Pasukan



Pemeriksaan dalam kenderaan itu mendapati ia sarat memuatkan minyak masak dan tepung gandum masing-masing 50 kotak serta 10 bungkusan mengandungi gula pasir kasar

Azanizam Affendi Juri

Gerakan Am (PGA) pada jam 4.30 petang itu, pihak berkuasa ternampak kereta Perodua Viva yang dipandu

suspek.

Menurutnya, anggota penguat kuasa ternampak kenderaan dari arah Kampung Jubakar ke Kampung Simpangan itu dipandu dalam keadaan mencurigakan sebelum mengekorinya.

"Suspek memberhentikan keretanya sebaik menyedari dia diekori. Dia cuba untuk melarikan diri, namun berjaya ditahan.

"Pemeriksaan dalam kenderaan itu mendapati ia sarat memuatkan minyak masak dan tepung gandum masing-masing 50 kotak serta 10 bungkusan mengandungi gula pasir kasar.

"Semua 340 kilogram (kg) minyak masak bersubsidi paket 1kg, 200kg tepung gandum dan 240kg gula pa-

sir kasar yang dirampas itu dianggarkan bernilai RM1,804," katanya menerusi satu kenyataan media, semalam.

Katanya, suspek ditahan kini disiasat mengikut Akta Kawalan Bekalan 1961.

Mengulas lanjut, Azanizam Affendi berkata, daripada hasil siasatan awal yang dilakukan, suspek mengaku mengambil upah RM20 bagi setiap penghantaran dari lokasi ditetapkan oleh individu tidak dikenali.

Katanya, barang kawalan bersubsidi itu dipercayai untuk diseludup ke Thailand dengan menyeberangi Sungai Golok melalui pangkalan haram sepanjang sempadan.

Oleh Nurul Hidayah
Bahaudin
nurul.hidayah@hmetro.com.my

Kuala Lumpur

Situasi bekalan ikan dan sayuran yang dikatakan terhad dialami peniaga di Lembah Klang hampir pulih sepenuhnya selepas Pasar Borong Kuala Lumpur mula beroperasi semula, semalam.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPD-NHEP), Azman Adam berkata, pemeriksaan dilakukan pihaknya mendapati 80 hingga 90 gerai di Pasar Borong Kuala Lumpur sudah beroperasi semula.

"Tidak dinafikan masih ada lagi segelintir peniaga di Pasar Borong Kuala Lumpur belum beroperasi di-

BEKALAN IKAN, SAYUR MENCUKUPI

Hampir pulih sepenuhnya

sebabkan menjalani kuarentin susulan penularan Covid-19 di kawasan berkenaan.

"Bagaimanapun, hasil pemeriksaan dilakukan mendapati bekalan ikan dan sayuran hampir pulih sepenuhnya dengan pembukaan semula pasar borong berkenaan, hari ini (semalam). Malah, proses pengaliran bekalan juga berjalan lancar.

"Pemeriksaan di pasar awam dan pasar raya juga mendapati bekalan ikan serta sayuran mencukupi," katanya ketika dihubungi, semalam.

Azman berkata, maklumat diterima pihaknya daripada persatuan peniaga memaklumkan kebanyakan ikan dan sayuran tidak mencatatkan peningkatan harga.

"Ketika ini, permintaan

terhadap bekalan ikan dan sayuran sedikit berkurangan menyebabkan tiada tekanan pada harga barang terabit.

"Malah, ada di antara ikan dan sayuran yang turun harga ketika ini," katanya.

Sebelum ini, Harian Metro melaporkan peniaga di sekitar Lembah Klang berdepan masalah bekalan ikan dan sayuran terhad berikutan penutupan Pasar Borong Kuala Lumpur bermula 9 Mei lalu hingga kelmarin.

80 hingga 90 gerai
di Pasar Borong Kuala
Lumpur sudah
beroperasi semula

A JOINT operation was carried out at four markets in Selayang municipality to check on traders' compliance with standard operating procedure and prices of controlled goods during the festive season.

The inspection by officers from Selayang Municipal Council (MPS), police and Domestic Trade and Consumers Affairs Ministry (KPDNHEP) on the eve of Hari Raya Aidilfitri covered four markets in Selayang Baru, Taman Sri Gombak, Rawang and Bandar Country Homes.

"Verbal warnings were issued at Pasar Selayang Baru for better crowd control measures, as customers were seen crowding the market to get their festive shopping done," MPS corporate communica-

tions director Mohamad Zin Masoad said in a statement.

"On the positive side, traders did not take advantage by increasing the prices of goods even though a nearby supermarket listed in the Hotspots Identification for Dynamic Engagement (HIDE) system had been closed for a few days.

"No compounds were issued, given that the overall situation at the four markets was under control and in compliance with the SOP."

Mohamad Zin added that MPS, along with its agency partners, would continue to monitor the situation within the municipality to

ensure the community does not become complacent.

He warned that stern action would be taken against those who refused to comply with the SOP.

The joint operation at the four markets was led by MPS president Shamsul Shahril Badliza Mohd Noor.

Also present were MPS councillor for Zone 7 Dèveandran Selvaraju, 18 policemen, 10 KPDNHEP officers as well as directors and officers from MPS' Enforcement and Safety Department, Licensing Department and Property Management and Valuation Department.

Prices in check at four Selayang markets



Shamsul Shahril (right) leading the joint operation in Selayang to check on traders' SOP compliance and prices of controlled goods.

Sasar francaiskan Mak Long Mart

Oleh **MOHAMAD NAUFAL
MOHAMAD IDRIS**
utusannews@medianula.com.my

KUALA SELANGOR: Walaupun negara dilanda pandemik Covid-19, namun bagi ahli perniagaan, Datin Hasnah Abdul Samad, perkara itu bukan halangan baginya untuk membuka pasar raya, Mak Long Mart yang terletak di Puncak Alam.

Bagi Hasnah, 47, beliau nekad membuka sebuah pasar raya di kawasan tersebut pada November tahun lalu kerana kesukaran penduduk setempat membeli barangan keperluan asas.

"Kekurangan pasar raya di sini menyebabkan saya dan penduduk setempat sukar membeli barangan. Setelah berbincang dengan suami, Datuk Shahrul Nizam Mustapa, kami mengambil keputusan untuk membuka sebuah pasar raya bagi memudahkan penduduk setempat.

"Selain itu, ramai belia di kawasan ini yang menganggur dan kehilangan kerja ketika tempoh Perintah Kawalan Pergerakan (PKP) dan perkara ini membuatkan saya tekad untuk membuka Mak Long Mart.



HASNAH Abdul Samad (kanan) menunjukkan produk yang dijual di Mak Long Mart, Puncak Alam kepada seorang pelanggan, baru-baru ini. - UTUSAN/MOHAMAD NAUFAL MOHAMAD IDRIS

"Alhamdulillah, dengan bekalkan modal perniagaan RM600,000, saya berjaya membuka sebuah pasar raya dengan

mempunyai seramai 15 kakitangan" katanya ketika ditemui di Mak Long Mart, Bandar Puncak Alam, di sini baru-baru ini.

Menceritakan lanjut, Hasnah berasal dari Kapar berkata, membuka sebuah pasar raya bukanlah perkara mudah ker-

ana antara cabaran ialah mencari bangunan yang sesuai dan strategik.

"Malah, di awal pembukaan pasar raya ini, saya telah ditipu seorang pembekal sayur-sayuran tahun lalu apabila dia menghantar dua lori sayur ke kedai sedangkan tempahan yang dibuat bernilai RM500 sahaja.

"Tidak mahu bertengkar dengannya, saya terus membayar harga kesemua sayur berkenaan bernilai lebih RM7,000 dan sedekahkannya kepada penduduk di sekitar Puncak Alam. Namun, inilah cabaran dalam memulakan perniagaan yang perlu ditempuhi," katanya.

Beliau menyasarkan untuk membuka sebuah Mak Long Mart setiap tahun di seluruh negara setelah mendapat banyak permintaan daripada banyak pihak yang mahu pasar raya itu difrancaiskan.

"Saya berharap orang ramai memilih untuk membeli barangan keperluan asas di Mak Long Mart kerana harga yang ditawarkan bagi kesemua barang itu berpatutan," katanya.

